

○六者順孫也、國母仙院滋子者正妃也、忝爲三代帝王倉六條高之父祖、旁致萬機巨細之諮詢、因

茲雖去害馬、未得絕塵累、雖追虛舟、未得去浮榮、只樂幽閑於山水之栖、漸送涼燠於二六之曆、然間

先朝晏駕、傷老少之無定劫、無常理、悟始終之難逃、闔苑花明、空望紅榮於春雨、紛陽葉脫、唯憐黃落

於秋風、每見物之有盛衰、寔諳人事之不牢固、况不惑之齡屢過、厭俗之志彌深、仁日虞人之貢、定殞

飛說之生命、多年齊民之憂、皆結輪廻之業、因加之擒充戮竇、雖思四海之安寧、懲惡除凶、非無五利

之禁法、發露之誠、此時尤切、側聞如來正教之中、殊勝之實語、逆修善業、功德無量、隨心所願、獲其果

實、仍自晚夏六月十七日、迄于涼秋八月上旬、候初後相并五十箇日、佛則顯數十體之尊容、經文寫

一千部之妙典、便於洛東幽邃之精舍、敬開和南敬篤之齋筵、所囑者鷲子智德之輩、所唱者魚一本

興與稱讚之聲、方今憶輪王悲衰容之因、慕釋提授法衣之跡、合二羽於佛前、剃雙鬢於頭上、發心日

新、何待淨居天子之勸、機緣時至、便感普王如來之夢、昔爲鳳闕之尊、龍袞裁衣、今列桑門之侶、木叉

携杖隨、又從今朝百箇日之間、手自爲每日之所作、修三時法華之秘密、企十部妙經之轉讀、須以百

日滿千部也、抑弟子轉讀經典、積而有數、法華經則一萬五千四百四十六部、千手經則三萬四百四十

卷、其外藥師經二千五百九十八卷、懺法二千五百五十七卷、阿彌陀經六千七百廿卷、阿彌陀百萬

遍念誦四十七度、又千手護摩二千六百卅三時、法華護摩五百三十一時、不動護摩七百七十時、大

威德護摩廿八時、阿彌陀護摩四十二時、又阿彌陀供養百六十一度、又釋迦、藥師、正觀音、十一面、地

藏、龍樹、普賢、文殊等各七度、法華百八十九度、千手二百十二度、如意輪二十一度、愛染王五十六度、

不動明王百九十六度、大威德三百三十五度、毗沙門天百十四度、金剛童子四十九度、又長日供養

法者、法華、阿彌陀、千手、不動、毗沙門等也、但每時奉讀法華經一卷、敢不交餘言、凡厥行業、薰修幾多、

算師不能知、佛智宜悉見、是皆忘現世之事、偏只爲後生之營而已、於戲襄野軒轅之跡、七聖誰轉、大

法之輪、崑丘驪留之蹄、八駿徒隔兩足之相、豈若弟子已入一實無爲之道、遂感三明不退之果、伏乞